

समां - 12:25 hrs.

<><><><><><>

### **LG Police Commemoration Day**

उपराज्यपाल मनोज सिन्हा होरें पुलस यादगारी दिवस दे मौके पर शहीद कर्मियें गी शरदांजलि भेंट कीती। सोशल मीडिया दी इक पोस्ट च उनें सारे शहीद पुलसकर्मियें गी शरदांजलि भेंट कीती ते आखेया जे अस सारे इनें शहीदें गी नमन करनेआं ते इन्दे अभारी आं, जिनें मुख्य दी अखंडता ते नागरिकें दी सुरक्षा लेई अपना सर्वोच्चय बलिदान दिता। पुलस महानिदेशक नलीन प्रभात ते जम्मू कश्मीर पुलस दे होरनें सारे कर्मियें शहीदें गी शरदांजलि भेंट कीती जिने देसैं दी राखी हिफाजत लेई अपनी जिंदू दा बलिदान दिता।

<><><><><><>

### **LG Gulag Singh**

उपराज्यपाल मनोज सिन्हा महाराजा गुलाम सिंह जी होरें गी उं'दी जयंति दे मौके श्रद्धांजलि भेंट कीती। सोशल मीडिया दी इक पोस्ट च उपराज्यपाल होरें लिखेया जे उनेंगी म्हेशा सैन्य रणनीति, संस्कृति दी हिफाजत ते लोकें दे कल्याण प्रति उंदी वचनबद्धता ते मातृ भूमि दी सेवा लेई दिते गेदे उन्दे योगदान लेई म्हेशा चेता रक्खेया जाग।

<><><><><><>

### **LG Holy Relics**

लैफ्टिनेंट गवर्नर मनोज सिन्हा रुस दे कलमिकया गणतंत्र दे अपने त्रंऊ-दिनें दे दौरें मगरा दिल्ली परतोई आए न। सिन्हा होर भगवान बुद्ध हुंदे पवित्तर अवशेष गी भारत आनने लेई उत्थे गेदे प्रतिनिधिमंडल दी अगुआई करा'रदे हे। कलमिकया गणतंत्र दी राजधानी Elista च भगवान बुद्ध हुंदे पवित्तर अवशेष गी प्रदर्शित बी कीती गया। लैफ्टिनेंट गवर्नर होरें एक्स पर अपनी इक पोस्ट च लिखेया जे पवित्तर अवशेष दी प्रदर्शनी कन्ने आध्यात्मिक सम्पर्क

गैहरा होआ ऐ ते भविक्ख दिये पीढ़िये लेई एह शांति ते प्रेरणा दा स्रोत बनेया रौहग।  
भगवान बुद्ध हुं'दे पवित्तर अवशेष घर लेई आंदे गेदे न पर कलमिकया च बी लोके गी  
उन्दे थमां प्रेरणा थोहन्दी रौहग।

<><><><><><>

### **Itoo Education**

शिक्षा मंत्री स्कीना इतू होरे आखेया जे सरकार अन्थक जत्न करा रदी तां जे प्रदेश दी हर  
थाहर पर पढ़ने आहले बच्चें गी आधुनिक शिक्षा सुविधा हासल होई सकन। एह गल्ल मंत्री  
होरे उड़ी दे बोनियार इलाके च आयोजित इक कार्यक्रम गी सम्बोधित करदे होई आखी।  
इ'स मौके पर बोलदे होई उ'ने आखेया जे शिक्षा प्रगति लेई अत्त लाज़मी ऐ। उ'ने आखेया  
जे सरकार दा मकसद ढांचागत वित्थ गी पूरना ते ज्ञान लेई समावेशी माहौल तयार करना  
ऐ। बारामूला च आयोजित इक होर कार्यक्रम च शिक्षा मंत्री इतू होरे शिक्षा, नमिये काहड़ें  
ते विद्यार्थिये दे पूरे-पराते विकास दी जरूरता पर जोर पाया।

<><><><><><>

### **By Polls**

33 मेदवारें बडगाम ते नगरोटा विधानसभा हलके लेई अपना नामांकन भरेया ऐ। नामांकन  
भरने दा कल खीरी ध्याड़ा हा। आकाशवाणी जम्मू संवाददाता दी रिपोर्ट मूजब 27 बडगाम  
सीट लेई, 20 मेदवारें अपना नामांकन भरेया जिसलै जे, 77- नगरोटा विधानसभा हलके  
लेई, 13 मेदवारें अपना नामांकन दाखल कीता ऐ। बडगाम सीट लेई नैशनल कांफ्रेंस नै  
आगा सईद महमूद गी अपना मेदवार बनाया जिसलै के पिपल्स डेमोक्रेटिक पार्टी नै आगा  
मुंतजर मेहदी, भारतीय जनता पार्टी नै आगा सईद Moshin गी ते आम आदमी पार्टी नै  
Deeba Khan गी अपना मेदवार बनाया ऐ। इंदे समेत कुल 20 मेदवारें अपना-अपना  
नामांकन भरेया ऐ। तांई जम्मू खित्ते दी नगरोटा सीट थवां भारतीय जनता पार्टी दी मेदवार  
देवयानी राणा, पेंथर्स पार्टी दे हर्ष देव ते नैशनल कांफ्रेंस दी शमीम बेंगम सनें कुल 13  
मेदवारें अपना-अपना नामांकन भरी लैते दा ऐ। शमीम बेगम जेड़िया नैशनल कांफ्रेंस दियां  
मेदवार न, जिसलै उ'ने नामांकन भरेया तां उपमुख्य सुरेन्द्र चौधरी बी मौजूद हे।



## IED

सुरक्षाबलें शोपिया जिले च इक IED दा समें-सिर पता लाइयै उसी नकारा बनाइयै इक बड्डी घटना गी टाली दिता ऐ। अधिकारियें मूजब IED गी संदिग्ध आतंकवादियें आसेया लाया गया हा, जिसदा सुरक्षाबलें दी गश्ती टीम नै पता लाया। मगरा बम्ब नकारा बनाने आहले दस्ते गी सददेया गया ते IED गी नकारा बनाया गया। इस कन्नै सुरक्षाबलें इक माड़ी घटना गी होने थमां टाली दिता।



## GOC OP Preparations

Rising Star कोर दे GOC लैफ्टिनेंट जनरल राजन शरावत होरें कठुआ दा दौरा लाया ते संवेदनशील इलाके च तैनात बलें दी तयारियें दा जायजा लैता। आकाशवाणी जम्मू संवाददाता दी रिपोर्ट मूजब लैफ्टिनेंट जनरल होरें बनी –Macchedi सैक्टर दा दौरा कीता ते उत्थे तैनात बलें दी तयारियें ते उन्दी तैनाती दा जायजा लैता। उ'नें उत्थे तैनात बलें कन्नै गल्ल कीती ते उन्दी दलेरी, निष्ठा ते उच्च म्यार आहली कारवाइयें ते म्हेशा सौहगा रौहने लेई उन्दी सराहना कीती। बनी –Macchedi इलाके च कैई हमले ते टाकरे पिच्छले कोई इक डेढ़ बरे च होए न। इस इलाके गी डोडा, किशतवाड़ ते उधमपुर जिले च घुसपैठ करने लेई इक रस्ता मन्नेया जंदा ऐ।

